

附
集

陳蛻齋集附錄目次

文

陳蛻齋先生傳

蛻齋事略

蛻齋末路記

陳蛻齋事別錄

書蛻齋遺著後

蛻齋遺事之一

蛻老遺事

哭陳蛻齋先生文

爲編刊蛻集事致亞子書

報蘭皋書

致蘭皋書

附集目錄

柳棄疾

蘭皋

大顛

傅專

前人

陳漢俠

胡懷琛

姚光

蘭皋

柳棄疾

高旭

詩

哭蛻龔四首

柳棄疾

重過杏花樓感悼亞雲蛻龔兩亡友

前人

哀蛻龔二首

姚錫鈞

哭夢逋老友二首

陳去病

哭陳蛻龔先生二首

姜可生

弔陳蛻龔三首

高燮

哭陳蛻龔先生

高旭

再哭陳蛻龔四首

前人

南社哀吟十二章之一

前人

弔蛻龔

余壽頤

社友鄒君亞雲陳君蛻龔相繼溘逝臨風憑弔愴然久之二首

高增

聞同社蛻龔先生棄世口號二絕遙奠

吳沛霖

檢陳蛻盒舊作賦此述哀因寄亞子時亞子將爲刊其遺稿二首傳專
讀陳蛻盒集題八絕句卽東蘭皋並示亞子 前人
蛻詩展誦一過悲從中來幾不自勝口占二絕歌以當哭 吳有章



附
集
目
錄



陳蛻龔集附錄

文

陳蛻龔先生傳

吳江柳棄疾 亞子

先生姓陳氏諱範原名彞範字叔柔或作叔疇又字憶雲號夢坡別稱夢逋一號瑤天晚乃自更名曰蛻號蛻龔亦稱蛻僧又別署退僧蛻存云先世籍湖南衡山嗣遷江蘇陽湖故又爲陽湖人先生生而質異稟弱冠通詩古文詞尤究心經世之學慨然以攬轡澄清自任既累試不第遂納粟爲令謁選都中復就試得己丑乙科仍棄去入江西爲鉛山縣知縣久之自投劾歸創蘇報上海昌言革命會山陰蔡元培陽湖吳敬恒巴縣鄒容餘杭章炳麟諸子方建中國教育會日夜圖光復得先生振宗風則大喜時時爲文張之當是時蘇報名震天下虜廷驚視之若一敵國遂命大吏案治于是元培敬恒出亡容炳麟就逮先生亦航海去日本顧室家已毀貧困幾無以自給繼漫游香港無所遇而歸復來上海爲偵騎所陷繫獄年餘既得脫走依陽湖汪文溥于湖南醴陵文溥者先生女弟德暉婿始共建蘇報至是乃爲醴陵縣令喜結納時士丙午萍醴

附

錄

一

之難保全。善類甚衆。顧卒以是失職。去留長沙。觀變先生。則往來醴陵。長沙。間從醴人。史良傳。專劉澤湘。輩遊營。趣澤湘。諸人爲文。生祭之一日。渡淶江。訪紅拂墓。潛然謂同遊者曰。吾死葬此矣。醴人寧調元。以革命錮長沙獄三年。先生時攜酒就獄中賦詩。痛飲出而與傳專言調元未嘗不流涕也。先生雖窮居憔悴。然心實未能忘天下事。識新軍協統定興劉玉堂。賢謂此勇士。緩急可用。已而光復軍起。先生欲使文溥說湘都督焦大鵬。共玉堂率兵援鄂。議未定。而大鵬被難不果。鄂事急。玉堂以少兵馳赴一日。夜戰死。漢陽遂陷。先生聞耗。爲詩文哭之。慟謂文溥曰。令早用吾策。君與劉偕。先十日赴援。劉或不死。漢陽不失也。論者以爲知言。蓋先生之拘負匡濟如此。旣與文溥共參。湘桂援鄂聯軍事。以司令沈秉堃。無遠志。並去之。上海時。南都新建。昔之亡人。逋客。方濟。濟慶。彈冠而先生布袍幅巾。蕭然物外。絕口不道前事。于是蔡元培。吳敬恒。先後爲言。諸政府請以蘇報獄付稽勳。且議優卹。久之不獲報。語寢聞于先生。亟使文溥謝敬。恒謂正誼明道。非以計功利。吾儕自靖自獻。寧容貪天爲己力。幸告吳先生。勿以我爲念。聞者皆扼腕歎息。不置以爲賢者不負天下。而天下負賢者。非建國之祥。顧當事者。

率弗悟也。先生客上海，經歲爲南社及國學商會祭酒。任太平洋報筆政，繼走燕市。主民主報，未幾仍南歸。中華民國二年五月十六日卒于滬西寓廬。年五十有四。配袁夫人，字幼菡，繼配莊夫人，字芙蓉，並先卒。繼聘某氏，未娶而蘇報獄起，遂別嫁。去妾二人。隨先生東渡，初使入女校求學，繼並遣嫁之，謂還其自由。所以崇人道也。子二，長巖，蘇報難作前出，走遂不返。次岐，代先生就逮，出獄後早卒。遺腹得一孫，生四年亦殤。獨嫠媳鍾氏存，女二，長擷，秀十年前創女學，報名聞海內外。適重慶楊儂，並留學美洲。畢業後返國，次信芳，畢業日本女學校，受基督敎洗禮。今居上海。先生爲人，闊淡沈默，恂恂如老師，宿儒卽而與之語，一引其緒，輒玄妙入微，否或微笑而已。閑居耐苦思，嘗謂一尋常俗語，皆有至理。其學穿穴經史百家，旁通內典，兼及重譯諸籍，而尤長于詩。詩故雋，上益以身世蕭瑟，玄想孤邁，論者謂窮而後工。幾幾與杜陵方駕，所著有映雪軒初稿、煙波吟、舫詩存、寄舫偶存、息庵詩、庚庚集、東歸行卷、滄波聽雨集、夢樓續雨集、九疑雲笈、捲簾集、題襟集、殘宵梵誦、夜梵集、閒情香草詩、爲誰存稿、蛻僧餘稿、諸目存佚參半。歿後汪文溥爲割定付梓，計得七卷，附以瓣心詞殘稿一卷。顏曰蛻翁詩詞刊存。

今行于世而醴陵諸子收拾叢殘有所獲將謀續刊焉述學論事之文精至縝密前無古人亦由汪文溥網羅得數十首續付剞劂餘緒爲小說尤絕優美惜散佚不盡存柳棄疾曰十年前震陳先生名以爲祥麟威鳳泰山北斗不世出之豪傑其容貌議論必有魁梧奇偉慷慨激昂足以排風霆而走海嶽者嗣讀其詩深微幽渺輒心疑以爲弗類民國紀元之歲始得謁先生于滬上退而益爽然若自失將毋史遷所謂留侯貌似婦人好女子不稱其功業者邪抑上德不德至名無名仲尼所致嘆於猶龍者邪然後知先生非猶夫世之所謂豪傑者比蓋直進而爲有道之士矣先生之歿也蘭皋述事略綦詳傳專且爲之別錄而崑山余壽頤涇縣胡懷琛又各有所紀述先生之道德行誼與夫事功學術亦既燦然大備於世矣顧汪子拳拳獨以一傳相屬不佞若棄疾抑又烏足辱先生排比所聞聊塞汪子之請庶與諸家並行非敢自附定論也

蛻龕事略

蘭皋

蛻龕陳姓鬚範名初字叔柔又字夢坡別號瑤天最後自號蛻龕君生有異稟弱冠能詩古文詞究心經世之學志盛氣銳欲以政治自效既連試不第慨然曰丈夫何必不

以他途進。遂納粟爲令。謁選都中。復就試。得己丑乙科。仍棄去。入江西。爲鉛山縣知縣。時撫江西者德馨。以好貨聞。全國君隸其下。鬱鬱不得志。居久之。投劾去。當丁戊之際。康有爲始以維新號召。徒黨君私謂余曰。中國在勢當改革。而康君所持非也。君盍偕我以文字餉國人。俾無再入迷途。於是相與在滬組織。一日報此。卽壬寅以言革命。被禍之蘇報也。君與余之爲蘇報。適在戊戌政變。清廷益厲言禁。而蘇報論鋒益銳。進一切無所撓。屈康梁忤后。而保皇斷斷一家。之去從而蘇報則斥君扶民爲根本之解決。會胡運未終。吾人自安於蟄伏。讀蘇報者輒詫爲怪誕。經濟乃大困。君全以館事付余。而自北走燕。籌款經年歸滬。而余又南走湘。籌款。君乃獨任蘇報事。未幾而難作。先是蜀人鄒先生容著革命軍蘇報。日日刊載其書。而蔡先生元培吳先生敬恒章先生炳麟均革命先覺。往來館中。而吳與章且時時爲文以張蘇報。前清時民人爲皇帝諱。名口不得而呼。手不得而書。違者以大不敬論殺無赦。而蘇報一旦忽於篇首。名斥清光緒帝爲載湉。小醜虜廷大震。會先已有宵人告密。江督緹綺續續而至。浙人葉浩吾偵知其事。詣蔡與吳與章揖。而前曰。願諸先生留此身。以有待也。於是蔡先生行。章先生

堅臥不肯行。既入獄，則以書呼鄒先生同投牢戶。吳先生則挈君盡室入日本船。然後從容自去。君第二子仲岐，則挺身就縛，以緩父獄。而館人程吉甫亦牽連被逮。當是時，外國盛傳蘇報事，以爲創中國所未有。君雖亡命海外，所至匪不歡迎。儻稍稍自誇，則當日黨魁非君莫屬。卽今日之貪天之功以爲己力者，君亦可自居其一。顧君乃閩澹沈默不習突梯挈榼之技，叫囂與脂韋兩非所擅。慕君名者，方各印一時豪之態度於腦鏡，欲一見爲快。既見，乃恂恂如老師宿儒。幾疑此不類昌言革命者。久之，益相忘。君於是益貧困，無以自給。君之來東也，室人已前故續聘未婚妻某氏，以君爲國事犯。其父母使改嫁去，獨隨兩妾兩女，悉以置日校求學。無何復遣嫁。兩妾謂還之自由，以崇人道主義，隻身走香港，無所遇。復來上海，則爲虜督端方偵騎所得。黠者獻策，端方謂蘇報案領事團不肯引渡，卽得其人，非能死之也。不如使人以他事訟之，得引案歸內地，則斬戮可任。吾意虜如所策，而外人洞其隱，終不爲虜策所絜。既了他訟，卽不問前案，竟縱之出。而君繫獄已一年有半矣。得脫卽走湖南，就余於醴陵。值醴有丙午之役，當路據東海逋客之爲民黨偵者某報告謂革黨且萃於醴陵。於是名捕黨人下其檄。

於醴而江甯武昌長沙各遣重兵來會如臨大敵余適以此時幸此邑力爭士人未與革黨通因謝兵自任捕小盜醴之黨人心善余聞令有重客至則羣爲交歡而余終以細人李青瑣控余爲革黨魁解篆去余去而君仍留醴一日渡淶江訪紅拂墓潛然謂同遊者曰吾死葬此矣居久之益困再就余於長沙時時入長沙獄就宵太一痛飲賦詩以自遣余介之萍礦轉運局林志熙居數月襍被自歸詢其故則曰志熙乃不我禮於是復客醴經年而廣州有黃花岡之役湘中震擾余陰謀握兵柄冀從中起君知余謀卽介紹劉玉堂君於余謂此勇士君圖大事緩急可用也會余爲忌者所中陸軍統不能得水軍統未幾復有告密虜督瑞澂乃以他事誣余奪余兵而置之獄君與人史良君輾轉營救旣而光復軍起君欲余說焦都督大鵬畀余兵與劉玉堂君援鄂議未定以大鵬之難不果漢陽事急劉乃以少兵馳赴一日夜戰死湘將之援鄂者戰最勇死最烈以劉爲首劉到鄂卽以戰地圖郵君示余方相與展觀而敗耗卽相隨而至君爲文以哭之慟且謂余曰令早用吾策君與劉偕先十日赴援劉或不死漢陽不失也旣而余參湘桂援鄂聯軍事進君於司令沈秉堃君以沈無遠志與余先後去之

附

錄

七

海上當是時南京政府既建革命將告成功人人自謂手造共和盡瘁民國某爲偉人某爲志士某又爲老同志各自標日以俟如分以酬其前勞君此時宜可稍自表暴以解其困但得歡迎一會演台一說無慮當道不一倒其厯而君顧韜晦如在東時益絕口不道前事於是益重其困常州君有先人之敝廬在爲同懷弟某質之佗人君往常州道出蘇州督蘇者莊蘊寬君弟婦兄又微時君舊交也因上謁遠過滬告余字謂蘊寬曰思緘乃以腐鼠嚇我會余亦函告莊謂君前事如此卽不言祿祿不宜不及而蘊寬竟置不答吳先生敬恒令具狀呈之滬督陳其美請返蘇報爲前滬道所沒收之產其美亦不理吳先生復言之稽勳局亦無效而蔡先生元培等又告之大總統請卹君及其孀媳鍾亦久不報君乃謂余曰吾輩已事乃各本吾人之心理發爲言論以質人羣寧冀有毫毛之效預爲販賣祿利地今世運遞嬗邂逅揭示此幕膏可以其倒印吾輩前說卽貪以爲功此如女子十年貞不字其不字非貞也乃以前日之容不適於鬻迨其老去一日面鬻容之市悉如其前之俯仰乃強金夫以買其前容繼世不加誅亦何面目以自鏡耶且余今衰自問弗克自效於世又甯可以尸弋位繫民國一粒粟由

前之說則食報非所自慊由後之說則任事又所弗勝君幸告吳先生勿以我爲念於是君杜門蟄居益自力爲詩詩故雋上益以身世蕭瑟立想孤邁遂如古人所言窮而益工幾幾與杜陵方駕餘緒則以撰纂小說又絕優美與同時小說大家畏廌埒會柳亞子君等結南社爲風雅壇場又商兌國學硜硜爲五鹿之說經邀君主其席而葉楚儉君復挽君輯太平洋文苑仇亮君則偕君北去爲民主報繼不洽於景耀月仍南歸君家庭前有子二長子於蘇報難作前出走遂不返次子出獄後短命死獨二女穎絕能英法日三國文字此則中郎所差以自慰者去年長女旣嫁偕其壻自美國學成歸國侍老父歡甚而次子有遺腹孤生三年矣君左顧班彪之女右挈黃瓊之孫蓋十數年窮老困篤至此始稍稍悅懌雖終窶無改其樂以爲蒼蒼者將錫以桑榆之晚豈謂天不悔禍今年忽殤其穉孫而長女又西去巴巫於是此融融鬢鬢之春剝那盡滅其泡幻而悉返其陰沈慘厲之景會南北洵洵國事羹沸君內酷於身外恫於國益厭世欲速死在臨命十餘日前其幼女自日本歸請於父受基督洗禮前十日余視以近所爲時論三篇篇各三千餘言君尙能起坐讀之竟前二日則囑余代其草一函哀其弟

某請質屋分濟醫藥。述所欲言。大意殊有條理。余瀕去。復呼余曰。賴君。惋擊沈痛之文。以致款矣。前一日。視所代草。則瞠目至久。曰。我乃不了了。置之。俟心稍凝。而後閱之。舌橋語艱澀。五月十六日之晨。君召其女弟陳德暉。往至。則告之曰。天父來命我矣。遂無言。迨午。噓氣不已。德暉呼之。張目曰。吾乃作一夢。須臾。余馳往。排闥。甫入。則幼女長跽於前。女弟淚熒熒。承其睫。立側。而君已一瞑不視矣。君死。無以爲殮。賴戚友賻贈。董而舉其殯。置棺上海西門斜橋之湖南會館。今猶無以歸骨。病篤時。余時時往視。復以兄子景中。日夜侍其疾。友朋鬪契。則惟大顛先生。日日慰藉之。而陳燕生君。以異宗慕君高行事之如父。古誼爲可誦也。

蘭皋曰。蛻以昌言革命。被禍未婚。妻離絕。妾嫁子天孫。遂以覆其巢。桎梏不死。愆遺昌時。異日與君同難。世所稱太炎先生。號高尙。孤潔亦復南入樞密院。北爲軍府。顧問持節臨邊。煜煜當路。而蛻獨憔悴無改。其往世弗念。蛻亦終弗言。偉人志士。粵之所產。次則推湘蛻。故湘之衡山人。有問其籍者。蛻乃答之曰。我陽湖人。嗚呼。將所謂至德無名者。非耶。政府揮金。或數十萬。或百萬。或千萬。視如泥沙。三級之將。五等之勳。日以

好爵爲縻出之口而無窮顧於蘇報案書上獨不報將彼昏憤憤抑豈適所以成其高也女弟爲余婦而余與蛻患難交二十五年其經歷身世與懷抱心理知之至纖至悉因舉梗概以告世之愛吾蛻者蛻遺箸當以屬亞子并乞爲之傳

按此文作於民國三年五月其時黨人勢猶張甚太炎亦似得志故文內不無微辭今則時異勢殊太炎末路之可憐幾與蛻爲同一之境遇而作者此文已先流布不可回剝愧無先知知人之哲用識吾過 作者識

蛻盒末路記

大顛

清命既訖顯揚幽晦盜名之士接踵而起舉手投足自命賢勞彰者益彰過情弗恥隱者終隱沒齒無怨介推不祿縣上安居遂志甯心奚煩饒舌然已窮鬱至死而尙爲之緘默心何忍乎

蛻盒陳子非余稔交相知一載無形見契勗勵有加儼破薄俗鯁生欽其德風儀敬維虔往還者數不道私事嘗以拙著小說二種見許謂有深愛於人厚益於世知己之感特深於文字願言之雅尙味於生平初本知其宿心宿志盡力革命事業曾受非常痛

苦○父○子○繫○獄○者○經○年○全○家○且○以○是○終○破○滅○也○勳○章○勳○位○爛○於○羊○頭○茹○苦○在○先○宜○期○食○報○不○必○出○之○怨○望○何○妨○吐○露○一○斑○復○何○拘○忌○而○隱○晦○若○此○余○亦○若○弗○欲○深○知○絕○未○有○所○叩○問○曩○日○同○生○死○共○患○難○者○諒○不○乏○人○卽○偶○忘○乎○生○前○將○追○述○於○身○後○余○有○何○知○而○敢○贅○乎○獨○其○近○况○則○知○者○恐○鮮○蓋○吾○見○其○熒○熒○一○榻○蟄○伏○逆○旅○所○與○往○來○者○無○幾○人○焉○筆○而○記○之○吾○之○責○矣○

陳○子○之○在○逆○旅○余○雖○屢○往○其○作○何○生○活○余○不○知○也○其○抱○何○愁○痛○余○亦○不○知○也○鬢○鬢○白○髮○早○添○兩○鬢○之○霜○余○不○知○其○若○何○憔悴○也○偶○病○足○不○良○於○行○余○弗○審○其○若○何○調○治○也○在○滬○相○識○之○人○所○常○與○往○來○者○余○知○有○陳○君○燕○孫○偶○往○諮○訪○者○余○知○有○胡○君○寄○塵○陳○子○交○遊○廣○必○有○遠○方○過○客○便○道○問○訊○近○地○知○好○密○與○周○旋○余○弗○遇○故○亦○不○知○也○余○故○非○稔○交○陳○子○又○未○嘗○語○我○以○親○密○詢○之○燕○孫○亦○弗○能○道○其○詳○然○可○知○其○索○居○之○情○况○矣○

某○日○燕○孫○詣○余○曰○蛻○老○病○速○往○視○時○則○僦○屋○於○城○西○寶○安○里○余○踵○其○門○寂○然○無○聲○響○揚○聲○弗○應○揆○戶○而○入○則○一○榻○在○戶○後○匍○匐○牀○褥○間○僵○僵○其○背○一○弱○女○趨○之○見○余○似○不○相○識○者○瞪○目○久○之○指○余○坐○并○指○女○脉○余○曰○吾○家○弱○息○纔○自○東○洋○歸○來○語○畢○合○目○而○睡○余○知○其○

神倦靜憩。勿言。少頃。索腕。診之。其脈右大。重按皆微。暗驚。其不祥。陳子宛爾。而言曰。此軀殼。恐支撐不住矣。余否。否。曰。此何足諱者。余仍否。否。詢之不穀。食者數日矣。便不解。洩短。赤有痰。嗽舌苔。黃中剝。胸脘不舒。氣機甚促。蓋肺胃皆病。生化之源。絕而濕蘊中。焦穢惡。內阻。憊已甚。不能大蕩滌也。乃採歸脾方。稍爲增損。以助化機。并勸進鮮牛乳。以助氣血。脈生末技。蓋止此矣。是日。余未多言。亦未多詢。但默爲揣索。病危至此。而但有一女侍奉。則必無子。尙留戀客地。則必無家。且聞僦屋等事。俱燕孫代爲奔走。則必無親戚。然余不敢問。恐傷其心焉。

余出門。卽代爲覓送牛乳者。告以地址。及門牌。幾號。送牛乳者。唯唯。隔一日。復往。則知牛乳未送到也。乃以余所服用者。與之詢其服藥何狀。則云。尙合。但已有人介紹。東洋醫生。用西法施治。余甚以爲然。又明日。導送牛乳者。往稍探問。自後。遂永別焉。

五月十六晨（陽歷）余赴校途。遇燕孫呼。余曰。蛻老死矣。問何時。曰。昨午。後四時也。余惟惋惜而已。時燕孫實爲之經理喪事。迨余課畢而往。則已殯於湖南會館。而汪君蘭皋料理後事。煢煢弱女。方整理行裝。將投止於幼安之家。房主咆哮。必欲倍償其金。以

死○人○事○爲○不○祥○須○酬○資○以○被○禳○余○解○之○弗○從○且○出○惡○言○蘭○皋○與○余○商○事○在○租○界○惟○有○訴○之○捕○房○耳○遂○同○行○蘭○皋○語○余○曰○此○老○一○生○困○頓○并○子○孫○盡○之○矣○初○有○二○男○以○前○清○蘇○報○案○均○逮○獄○長○男○以○此○發○痲○出○獄○後○不○知○所○終○次○男○婚○後○天○札○有○遺○腹○孫○僅○四○齡○亦○於○去○年○殤○矣○現○存○二○女○一○媳○長○女○隨○夫○遠○行○媳○不○同○居○次○女○新○自○東○京○畢○業○歸○獨○送○終○焉○身○後○一○無○所○遺○末○路○之○悲○蓋○如○此○已○余○因○思○蘇○報○同○志○今○不○乏○稍○有○聲○氣○之○人○奈○何○令○此○老○生○前○困○頓○至○此○若○死○後○則○不○足○恤○焉○

且○語○且○行○已○至○捕○房○晤○譯○者○周○君○蒙○傳○達○於○司○捕○務○者○意○甚○周○到○乃○派○捕○同○返○余○於○半○途○折○回○寓○廬○以○爲○事○必○了○矣○後○聞○蘭○皋○云○房○主○崛○強○卒○與○五○銀○幣○始○解○其○女○公○子○現○在○幼○安○家○余○故○弗○稔○聊○以○余○所○知○者○彙○述○如○右○倘○亦○知○蛻○庵○者○所○欲○知○歟○

陳蛻庵事別錄

禮陵傳 專鈍根

余○與○陳○蛻○庵○論○交○蛻○庵○鬢○已○斑○白○相○視○忘○年○也○今○蛻○庵○死○矣○蛻○庵○事○狀○有○汪○蘭○皋○所○爲○文○言○之○頗○詳○其○末○路○又○得○大○顛○記○之○而○柳○亞○廬○且○將○爲○之○傳○余○復○何○言○顧○念○蛻○庵○之○所○以○視○余○者○厚○卽○兩○年○離○別○以○來○從○蛻○庵○處○至○者○必○道○蛻○庵○於○朋○輩○獨○念○余○殷○勤○無○與○比○

而蛻庵居湘日久稔其事者又莫余若則余安可不言第言之不文則非余過矣因作陳蛻庵事別錄以告知蛻庵者

陳蛻庵之來醴陵也在丁戊之間其來也以就醴陵令汪文溥故汪籍陽湖爲蛻庵女弟婿頗結納時士故一時體人咸以趨事汪者重蛻非真知蛻庵爲何如人也顧蛻庵亦深自韜晦與人無深言汪旣去醴蛻庵益貧無依乃移寓南華宮時以文事自遣間或與劉今希諸人相倡和其佳句亦稍稍流傳矣已酉春余在長沙聞人言蛻庵謂其人甚奇云是革命黨曾作官江西旋以蘇報入獄出獄後其家蕩然無存與之言詢其往事皆不甚了了殆如夢初覺人或與更言他事一引其緒則語語玄妙入微否或微笑而已閒居耐苦思嘗謂一尋常俗語皆有至理有索其贈詩者輒累百數十言能肖其人。不待起草。逕書之。牋扇又嘗趣劉今希諸人爲文生祭之。聞醴陵有紅拂墓。在西山。則偕諸人往弔賦詩。臨去。泣然曰。我死當於此。乞一坏土。且丐諸人爲斯墓築亭。護惜。古豔。余私揣其人。殆若有隱痛者。焉以爲鄭所南之流也。乃爲詩柬之。蛻庵欣然答。余余之交。蛻庵自此始。

是年六月。余自長沙歸醴。與蛻庵相見。初若漠然。稍久。始益親。羅滌衫。謂余曰。蛻庵送客創例也。非君無以當顧。余視蛻庵。非故慢人者。然是時。汪令去醴已久。醴人之以汪重蛻者。相率引去。蛻每留余坐。至更深。往復上下。其議論道古今。成敗論事。當否。旁及文章軌則。騷雅之所留遺。風人之所諷詠。相與欣賞。歎息尋索。探討時具。神思若將。可以終身者。不自知其窮。而將老也。蛻庵既益不自聊。時復有所眷遇。之頗殷。會以事中梗去之。長沙主於汪之寓園。携其次女相伴。時余欲爲高天梅求蛻庵。苦不得踪跡。劉今希以書告余。乃就其寓訪之。見則示余以感懷之作。語至懷惋。且贈余以相見恨晚。君安在一。往情深。我奈何之句。自是余日夕必至。其居以所爲詩詞相質。計與蛻庵相晤。此一月爲多。然觀蛻庵。狀至蕭瑟。若不得已而處此者。於以知其遇之窮也。時余友甯太一。以洞庭波雜誌事。觸虜廷忌。禁錮獄中。洞庭波者。當丙午萍醴起義之歲。余與甯陳創之海上者也。蛻庵既來湘。則日就太一獄中飲酒賦詩。以爲樂。悲其被害之同。而文人之厄也。故每與余言太一至爲流涕。會重九後二日。余與今希約蛻庵偕登麓山。並訪黃龔方諸人於高等學校。因相與作長日游。遍覽名勝。各採山中雜花。

贈之最後得一寒蝶。蛻庵喜甚，謂其化身。諸人歡笑，競作，固不知其言之悲也。及飯，蛻庵猶戀蝶，起視，則蝶已死，爲之輟食，不樂。重增太息，各賦詞記之。有賈生服鳥之感，孰知其爲今日讖耶。嗚呼，淒涼身世，末路增悲。蛻庵以首倡言論謀光復，至傾其家，錮其身，喪其愛子，生窮於清而復死，窮於民國，功狗爛羊，觸目皆是，稽勳之及，悵此一老，至於死，無以殮，賢者不負天下，而天下負賢者，其不然歟。

自蛻庵離汪氏寓園後，數月不見。庚戌九月，乃復遇於長沙。時以病足，故居旅次，與日醫隣，一身外無長物。賴友人時遣僕來慰問而已。一日以病足示余，刀痕長可尺許。云患腳氣，須刮理始效也。余問覺痛苦否，答謂云何不痛。又笑謂：「何不以身爲外物。」曰：「苟能以身爲外物，則疾將任之無治爲也。」因以足疾詩見示，猶記其當日未曾生使。獨後來終信德非孤之句，以爲爾我共喻之言也。旋復返汪寓，余贈以大乘起信論，越數日復。余謂其意趣多與平日所見合也。余與榭園訪之，坐榻上不能行，積稿數寸，皆就榻前短几書者。有雜文有史評，有詩有詞，今不復憶。蛻庵於文老而彌篤，頗作身後想。尙冀人間能傳之余曾介之入南社，嘗謂余少年才力可自致，吾老益衰，胸中古義寢

失又屢丁憂病恐不久人世念名與身滅漸用自疚使更假我數年者或當老而有成今自視不能矣將如之何顧人海中如蛻者又何可勝道也抑吾且身之弗恤家之弗恤而尚復眷眷於身後名豈非大愚無亦念跋者不忘履眇者不忘眛文學之寄不絕如縷更十年種且變矣誰與斯責君其任之君少年才可自致在好爲之耳蛻庵作是語時淚熒熒承睫及今一追述之媿對故人地下矣

歲辛亥蛻庵再至醴六月余於何春艦師處迹其居址往訪之入門把袂視余不作一語久之乃問頃從何來何久不見有詩否余則示以近作欣然擊節援筆賦五古二章贈余復示余以壁間自篆一聯集定庵各悔高名動寥廓側身天地我蹉跎之句旁識小字謂久不見吾鈍公留此書壁間贈之恐蛻庵遂死鈍竟不來辜此一塲凝竚也因各大笑遂亦索余贈聯余爲易書各悔高名動寥廓更何方法遣今生之句相與太息久之是年余從鄭叔容學作五古因論及湘綺詩蛻庵謂湘綺與其家有世交集中寄二陳詩其一號懷庭者卽其先人余始審知蛻庵籍衡山非陽湖陽湖特以先世宦蘇寄籍耳然其平時從未言家世有問之者唯唯而已余故知其含悲亦不問也是日大

市酒饌。款余殷勤。速余飲。談論甚歡。而余已大醉。臥榻上。逾時始醒。醒則蛻庵尙酌酒相待。曰：君其爲我飲此一杯。前一醉了。今世再飲。結來生未了。因也。余以此老好作癡語。辭之。而蛻庵固相屬。持不可。孰知此會以後。遂與蛻庵成永別。耶。顧蛻庵於此。若前知是又不可解也。未幾。余返鄉。遂作滬上行。八月革命事起。旋往蘇。主大漢報。十一月返滬。而蛻庵適以是時棄湘。桂聯軍參軍事。來蘇訪余。滄浪亭畔。而余已先行矣。賦詩所謂到處酒帘招客飲。却愁醉後獨詩成者也。蛻庵故屢爲余道蘇浙名勝。約共游賞。至是竟不相期。會後海上擬寄余詩。謂如何一爲別去住。兩難依。固知此老之相念深也。自是以還。得其海上。一詩。因見余脞錄中錄其詩。而作者又北京一書。則刊諸民主報。未寫寄余。嗚呼。余與蛻庵交誼。自己酉六月至辛亥。間西瓜東鱗。不可殫述。酒邊一別。遽爾千年。今後十方三界中。更何處尋蛻庵踪跡也。

以上所述。皆余與蛻庵私交。然可概知其平生矣。計自蛻庵作官。以至辦報。至入獄。出獄。至來湘。貴賤苦樂。更迭爲之。泊來湘後。乃自號蛻庵。其居湘之數年間。斷爲蛻庵末路時代可也。蛻庵不必藉文采。方足自見。蘇報之出。革命之濫觴。而其受創。苦且逾甚。

附

錄

雖口不言功。後世亦自有能道之者。初不屑如餘杭文人之藉得邊使一官勳位一級。自創民國授柄於人而轉以前功乞其揚權也。况蛻庵之詩尤足以昌其身後乎。蛻庵詩集最初有映雪初吟庚庚集寄舫偶存皆存其長女擷芬處。凡三集。次東歸行卷滄波聽雨集。瓣心吟皆存。施心泉處亦三集。次殘宵梵誦一集。及是集前兩三年碎稿則皆存。吾體人史采崖處今尙能得之。又其僑體陵日爲詩頗多。嘗欲哀爲捲簾集。次諸殘宵梵誦前其稿亦多。歸史采崖補輯尙易綜計凡八集也。

世之感語至可悲。謂文人之厄末路之窮以古方今於斯爲極也。此集曾借寄柳亞盧觀之。並乞其題記。旋又錄其大半於長沙日報及脞錄中。今茲南社所刻略不出此。至其近日寓滬時之作定爲何集。則社中諸人多有能道之者矣。蛻庵名彞範字叔柔。或作叔嚶。又字夢坡。別號瑤天中己丑乙科。出知江西鉛山縣事。以不得於上司投劾去。遂創蘇報海上具如汪文溥所爲事略云。

今擬刻蛻庵詩集之法。應由海上發起徵集。以一人綜其事。存體陵者。余任採輯。存擷

芬○及○施○心○泉○處○者○當○由○汪○幼○安○探○輯○北○京○任○民○主○報○時○所○作○當○由○京○中○社○友○採○輯○海○上○諸○作○則○由○亞○盧○或○其○他○社○友○採○輯○綜○其○事○者○當○歸○之○亞○盧○刊○資○則○由○社○中○次○助○亦○易○集○事○如○不○能○輯○其○全○則○存○體○之○稿○後○日○余○當○集○資○爲○之○單○刊○其○文○集○則○除○徵○集○見○存○雜○文○外○如○與○友○人○書○簡○及○當○時○刊○入○蘇○報○之○作○其○尤○佳○者○尙○可○搜○探○亞○盧○今○世○之○能○以○網○羅○文○獻○自○任○者○海○上○文○彥○蒼○萃○錢○財○易○舉○若○天○梅○石○子○吹○萬○去○病○楚○儻○太○一○諸○社○友○皆○可○共○謀○而○幼○安○君○尤○與○蛻○庵○有○骨○肉○親○擷○芬○女○士○又○一○時○豪○俊○中○郎○有○女○孟○堅○有○妹○遺○書○之○出○且○無○俟○余○輩○爲○之○喋○喋○代○謀○矣○斯○則○視○蛻○庵○身○後○之○福○命○爲○何○如○耳○嗚○呼○

書蛻庵遺著後

前人

蛻○庵○詩○余○處○今○可○得○者○僅○此○此○外○尙○有○詩○詞○叙○及○贈○詩○十○數○首○大○索○不○可○遽○得○容○他○日○錄○爲○補○集○又○蛻○公○在○醴○陵○日○倡○和○留○題○到○處○皆○有○其○詩○不○假○思○索○亦○無○草○稿○俟○向○各○方○求○之○當○得○什○五○六○惜○不○能○卽○致○耳○記○蛻○跋○其○集○謂○題○襟○籠○壁○不○乏○可○存○正○就○寓○體○時○言○又○此○間○有○題○畫○梅○七○古○詩○一○首○曾○探○入○冬○夏○脛○錄○亞○子○處○當○存○有○報○紙○此○亦○不○錄○其○遙○聞○風○雨○滿○三○韓○一○首○則○脛○錄○中○係○從○此○摘○出○者○嗟○嗟○余○識○蛻○庵○于○既○老○蛻○視○我○以○忘○年○

三載之間悲歡離合不盡於此。然卽此回憶已堪歎息矣。風雨之夕檢寫以寄亞子。不知涕之何從也。鈍記。

蛻庵遺事之一

陳漢俠

漢俠襁褓失恃。依父成立。年念三。慈父見背。每冀於蛻伯。或得長蒙訓誨。詎伯竟捨俠而仙去。乎十數年。覆蔭之恩。誠有不能已於言者。因咨嗟淚涕。以道之。先是伯創蘇報於滬上。時俠年十陸。與女公子長吉。芳次。信芳。同肄業於中西女塾。吉。芳。年與俠相若。而性磊落。博學多能。素抱愛國熱忱。俠傾佩之深。遂與爲莫逆交。深獲切磋之益。芳亦幼年失恃。由是愈相憐愛。乃爲引見於伯前。卽承優待。愛護之不啻親生兒女也。常語人曰。吾今又得一女矣。假期與芳歡聚。樞庭樂而忘返。伯曾作長歌以勉吾二人。迄今猶珍存之。歌曰。少小龔嬌痴如花。好風調深情。鍾女伴。旦日誓永保。古有陳與雷。又有管與鮑。彼爲奇男子。佳話式交道。何況巾。劍流。具此豈不少吾女。幼愚直母棄。此兒早依父。如依母。不復習。窈窕忽然逢。素心藥石互攻討。吾聞喜且懼。負劍相詔告。勿爲世俗交。切磋期終好。老夫雙掌珠。幼者甫離抱。長者及笄年。是我擊中寶。兩男性。頑鈍惟

此女表。表期爲第一流。幸得倚光。熠進德。日千里。繩愆。相檢校。老夫拭目望。此心勿中。稿支那女中。傑捨君復誰。蹈長篇。勗令德。諒君勿聽。藐又註云。漢俠如姪巾。櫛中之邁。德也。與吾女吉芳交垂一年矣。始以情好相纏。縛繼以學行相切磋。今雖棄情好而學行之勗。進其固結。猶甚於前日。僕初慮其僅爲世俗交。蹈兒女習。不意二人之相得。日彰。竟獲切磋之益。不淺也。爲之深喜。不能已於言。賦長句以贈。漢俠並勗吉芳。保其歲寒。松柏抑又聞之。已進之德。彼此所共見也。未改之過。日月所常有也。願漢俠及我吉芳。葆其所已進。更誠方來。是則所屬望耳。遺言深銘肺腑。曷敢忘之。斯時吉芳在校中。常念女界。聾警思設。報紙以振興之。遂與諸同志。創報於滬江。頗見發達。俠讀書未久。不諳作文。乃作俚言。聊助綿力。

荏苒二三年。伯因報言。忤當路。乃挈吉芳。漫遊三島。二公子則被逮。以緩父獄。俠仍就業。舊塾明年歸。武林蔡氏嗣後。雖與芳通。鴻伯之事蹟。究不得週知。迄革命告成。南北統一。俠復遊學於滬。憶念頗苦。春三月。天假之緣。芳自美國歸。而伯即從湘省。接續到滬。重聯舊雨。於逆旅中心。期頗慰。伯忻然謂。漢俠曰。吾十年前。曾倡革命。詎事未成。所

遭○困○難○擢○髮○難○數○今○幸○目○親○共○和○又○見○爾○與○吉○芬○均○偕○佳○婿○吾○無○憾○矣○自○此○往○來○無○慮○日○每○過○必○以○佳○章○見○示○詳○爲○解○釋○蓋○以○俠○學○淺○思○有○以○啓○導○之○也○伯○又○極○贊○成○女○子○有○參○政○旁○徵○博○引○妙○喻○橫○生○固○今○猶○在○預○備○時○期○宜○各○出○其○所○知○以○與○世○交○換○知○識○第○不○可○橫○決○汎○濫○滋○入○口○實○徒○爲○前○途○障○碍○矣○伯○本○斯○意○遂○嘗○掄○揚○俠○名○於○京○滬○報○界○顧○俠○雖○謗○陋○重○以○老○人○意○不○敢○過○拂○乃○少○少○有○所○供○獻○不○期○相○聚○未○久○伯○北○上○爲○民○主○報○編○輯○水○土○不○服○甫○一○月○復○南○下○秋○八○月○吉○芬○夫○婦○有○蜀○道○之○行○俠○課○暇○必○往○視○伯○此○時○精○神○殊○健○坐○談○二○三○小○時○無○倦○容○倏○而○歲○聿○云○暮○俠○將○回○里○省○姑○孀○伯○見○俠○言○別○黯○然○曰○吾○二○女○遠○離○幸○爾○相○依○慰○我○今○暫○去○明○春○早○來○與○吾○同○遊○鄧○尉○觀○梅○可○乎○俠○敬○諾○之○不○意○今○春○羈○身○江○甯○爲○女○校○教○授○事○遂○爽○雅○遊○之○約○時○藁○砧○方○就○學○於○淞○校○因○囑○頻○往○看○視○復○作○函○自○謝○伯○知○俠○情○况○諒○之○不○爲○罪○且○爲○之○賀○寒○食○節○循○例○旋○鄉○掃○墓○過○滬○卽○邀○伯○同○行○作○六○橋○三○竺○之○遊○時○伯○患○嗽○疾○劇○不○果○俠○至○杭○無○心○久○游○三○日○遂○返○見○老○人○病○體○支○離○厥○狀○憊○甚○俠○侍○側○有○間○默○念○吉○芬○信○芳○皆○在○遠○地○孤○館○老○人○將○誰○負○湯○藥○之○責○者○不○禁○爲○之○酸○楚○伯○微○睡○間○忽○張○目○詢○俠○曰○爾○父○沒○時○年○幾○何○矣○時○尙○健○否○俠○答○猶○健○

年五十四耳。伯喈然嘆曰：余亦五十四，而髮蒼蒼而視茫茫，且多病頽唐如此，其能久存乎？俠聞之，凄然欲淚，勉作慰藉語以安老人心。然斯時猶謂病人之常情耳。何期遂於此不起乎？乃擬請假留滬奉侍，以待信芳歸。伯雅不欲，俠徇私義而廢公益，固促之曰：信芳不日將歸國，且吾固無恙矣，爾其行乎？俠猶躊躇適校中，庖代乏人，書來敦迫返校，乃惘然趨裝歸甯，因途中爲風露所欺，至校困頓不起於床，頭疊接信芳及藁砧函云：老人病革，呻吟中屢詢，漢俠猶不來過此，以往不復見之矣。伏枕讀之，不覺淚隨聲下。是夜夢伯欣然立吾前，顧謂俠曰：吾將去，汝其勉之。言訖倏忽引去，追之不及。而仆俠亦瞿然驚覺，時夜已深，斜月映窗，殘燈無焰，不覺心悲且悸。次日噩音飛來，吾伯竟於四月中旬仙逝於逆旅，音容已杳，手澤猶存，俠果不見吾伯，再聆築訓矣。嗚呼！哲人其萎，邦國殄瘁，溯自辛亥之役，政體更新，大陸龍蛇爭相角逐，樊然矜其功於新邦者比比皆是，獨吾伯處之泰然不屑，自炫其前勳而人亦以其不甘溷拾流俗焉。而遺之嗚呼！世之所以報施善人者固如是乎？雖然，伯工于詩文，詞遺箸散在海內者，同志方搜集，衷存之是天之故，厄其身或將彰其名於後世，而使俠哀吾伯於今日者亦

終得以少殺賊。

附

錄

二十六

蛻老遺事

涇縣胡懷琛寄塵

蛻庵老人姓陳氏。或曰湘人。或曰江蘇陽湖人。或曰蘇人。僑寓湘中。久遂家焉。余識老人。未嘗問老人亦未嘗爲余言也。老人有詩云。湘吳兩處同鄉認。却笑居廬一尺無。老人之以逆旅爲家于此可見。老人昔年盡瘁革命。以喪其子而破其家。余于老人故後聞之。疚儂老人亦未嘗爲余言也。余識老人在壬子之秋。時老人方從北來。止於旅邸。襆被蕭條。琴書外無長物。鬢絲白盡矣。而豪興未衰。獨喜與少年游。余每出必過其廬焉。余性冷寡言。相對默默無一語。而老人獨喜余。至老人思想有出人意表者。一日謂余曰。吾嘗抱一異想。謂中國欲強者。當自限制生殖。始蓋生殖繁則教養艱。夭折者不知其數。孱弱愚鈍者亦不知其數。流離困頓。慘苦萬狀。何如不生之爲愈乎。旣生之。而若是。又何如早死之爲得乎。當時我抱此想。遂若一想。遂足以感彼蒼蒼者。于是而我之二子死焉。于是而我之幼孫殤焉。然而我無恨我之願如是耳。老人又曰。世之輕薄少年。斷無恨事。當其事可成。則絕力以謀之。及見其必不能成。乃置之而營其他。轉

瞬且忘之矣。若夫事既明知不成而心則未嘗或釋斯人也。我所欽焉。老人之言不知何所指也。余聞之心佩其說竊怪乎六十老者而能爲此語也。老人喜爲詩好游。余過之輒爲述其游踪。且以過鴈宕多盜未游爲恨。嚴冬風雪撲人面。問余有鄧尉探梅興乎。余羈縲旅舍日弄筆墨以餬口。謝未暇也。越數日寄以詩云。記得探梅曾有約。偶然睽隔又旬盈。不知聽雪圍爐坐。撚斷吟鬚第幾莖。厥後又一至其寓。遂永別矣。嗚呼勝游如昨。往事何堪回首。人生朝露。豈獨老人已哉。

哭陳蛻庵先生文

金山姚 光石子

昔張儉望門而投止。介推終隱以逃名。義俠高風傳美千古。而如我陳蛻庵先生之兼而有之者。是尤可式矣。先生發明孔子內夏外夷之說。孟子民貴君輕之義。首以文字提倡革命。感發國人。因之離絕聘娶。遺嫁二妾。天其子殤。其孫顛沛流離。無家可歸。爲可痛已。然而文字有靈。卒成光復。奈何民國肇興。謀利旣同。狗骨之爭。賞勳又等。羊頭之爛。而先生隱名晦跡。依然身世蕭條。終以積弱之軀。客死海上。此稽勳者之咎矣。余與先生神交有素。去歲之夏。余等糾合同志。有國學商兌會之結。先生首荷贊成。又頻

以○撰○述○見○寄○會○中○時○先○生○在○燕○中○欲○立○分○會○及○秋○間○來○海○上○余○訪○之○於○民○立○棧○翌○日○先○生○冒○雨○至○余○廬○所○自○後○數○數○相○見○蓋○先○生○不○以○小○子○爲○不○才○許○訂○忘○年○之○交○意○氣○甚○相○得○也○嘗○贈○余○一○詩○振○筆○不○加○思○索○爲○書○扇○頭○詩○曰○萬○里○聞○君○名○不○期○見○今○日○握○手○如○昔○知○推○襟○互○無○闕○念○我○少○年○時○縱○酒○能○談○說○前○歲○歷○死○生○盛○氣○存○九○一○逢○君○愧○已○遲○心○長○意○已○絀○會○當○勉○振○衣○夢○遊○峯○泖○側○並○爲○余○言○前○年○患○足○疾○甚○劇○頻○頻○死○去○然○軀○殼○雖○死○而○靈○魂○仍○不○失○知○覺○有○飄○飄○欲○仙○之○致○余○又○邀○先○生○來○留○溪○先○生○詢○以○九○峯○三○泖○間○山○水○言○他○日○極○願○一○遊○豈○知○歲○星○未○週○而○先○生○長○逝○矣○悲○乎○悲○乎○遺○詩○重○讀○惘○惘○久○之○天○上○英○魂○其○知○耶○否○耶○有○社○友○鄒○君○亞○雲○者○少○年○英○銳○劬○學○成○疾○略○血○以○歿○余○哭○其○壽○之○不○永○而○志○之○未○竟○也○哀○尙○未○已○曾○光○陰○之○幾○何○而○又○哭○先○生○矣○先○生○之○壽○倍○鄒○君○而○又○過○之○則○哀○之○者○宜○若○可○以○稍○殺○惟○是○先○生○文○章○道○德○碩○果○僅○存○正○如○魯○殿○靈○光○堪○爲○我○輩○矜○式○者○老○凋○謝○典○型○云○亡○山○頽○木○壤○之○嘆○令○人○正○靡○有○已○矣○

爲編刊蛻集事致亞子書

蘭皋

亞○子○足○下○頃○相○見○甚○歡○匆○匆○又○別○復○悵○然○也○蛻○盒○遺○集○有○映○雪○軒○初○稿○烟○波○吟○舫○詩○存○

寄。舫。偶。吟。息。庵。詩。各。種。乃。自。其。生。十。一。年。以。迄。清。之。丙。丁。都。二。百。三。十。一。首。此。悉。存。在。
又。閱。其。自。記。有。云。庚。庚。集。第。一。滄。波。聽。雨。第。二。捲。簾。集。第。三。閒。情。香。草。詩。第。四。異。時。出。
各。卷。中。彙。錄。之。四。十。年。情。境。盡。矣。今。祇。閒。情。香。草。約。三。數。十。首。似。尙。非。全。豹。庚。庚。等。三。
集。均。無。片。楮。未。知。所。謂。四。集。係。重。編。各。稿。抑。各。稿。以。外。另。有。此。四。種。也。其。庚。戌。病。中。所。
記。自。恐。不。起。悉。以。殘。稿。付。之。史。君。采。崖。頃。史。君。適。從。湘。來。言。蛻。所。付。稿。均。保。存。無。闕。失。
以。此。考。之。則。丙。丁。以。前。稿。甚。完。丙。丁。以。後。迄。辛。亥。以。前。則。在。史。君。處。辛。亥。以。後。迄。其。臨。
命。則。在。滬。與。南。社。諸。子。唱。酬。之。作。爲。多。雖。其。遺。篋。存。稿。零。星。而。同。人。近。在。一。方。想。不。難。
徵。集。也。又。閱。其。致。鈍。禪。信。稿。有。殘。宵。梵。誦。承。寄。南。社。等。語。則。此。冊。當。在。鈍。禪。處。看。來。詩。
詞。可。望。十。得。其。八。（蛻。詞。本。不。多。前。此。七。八。年。蛻。曾。函。弟。言。渠。頗。好。詞。而。不。敢。輕。爲。之。
故。所。作。甚。少。嗣。後。始。見。蛻。時。有。倚。聲。未。及。十。年。也。）惟。小。說。則。此。間。存。稿。祇。兩。種。而。尙。
有。殆。闕。然。民。主。報。所。載。當。可。函。囑。彙。集。寄。編。又。蛻。曾。有。三。生。石。傳。奇。祇。存。目。錄。夢。警。畫。
證。遊。春。驚。遇。入。塾。求。婚。窺。屏。合。香。題。畫。謁。墓。復。夢。此。爲。其。前。二。十。年。所。作。未。知。全。稿。尙。
存。人。間。否。又。有。石。頭。記。評。語。則。前。五。年。所。作。亦。無。存。稿。未。知。傳。付。何。處。乞。吾。亞。子。閱。此。

函後即以却寄民立中華民國諸社載入報端勝於執簡而訊也史采崖倡議以蛻遺蛻歸葬嶽麓云蛻當爲其湘歷史上有光色之人物不可不留一礪一墓以爲紀念史君誠有心人哉匆匆奉布即頌起居百益弟溥頓首

報蘭皋書

柳棄疾

蘭皋足下得手書甚慰甚慰同時獲傳鍾根書并蛻庵事別錄一通茲先奉閱閱竟乞交楚僮登民立報刊布此鈍根意也鈍云庚庚集存擷芬女士處東歸行卷滄波聽雨集瓣心吟存施心泉處殘宵梵誦及捲簾集未定稿則存史采崖處應請足下發函搜集爲叩史君現住何地殘宵梵誦等已帶申否均念也烟波吟舫詩存息庵詩閒情香草詩均不見於別錄中未知何故南社中又有蛻僧餘稿自叙一首乃庚戌歲作所謂蛻僧餘稿者卽小冊子兩本又散紙數十張弟所曾讀過者太平洋報文苑所錄均取材於此去冬爲蛻索還想在遺篋中自序云此爲第七集以別錄中次第及歲月合之疑卽所謂捲簾集者尙能從史君處稿一對照當可瞭然也又自序中所述諸集自映雪滄波外尙有夢樓續雨一集爲別錄中所無則不可解矣弟意蛻老著作詩爲最

富。今。刊。遺。稿。亦。當。由。詩。集。入。手。映。雪。軒。利。稿。烟。波。吟。舫。詩。存。香。舫。偶。吟。息。庵。詩。各。種。既。有。定。本。不。妨。卽。日。付。印。其。餘。擷。芬。女。士。及。施。史。諸。君。處。稿。可。隨。獲。隨。刊。較。爲。便。捷。好。在。每。集。各。自。成。編。不。須。並。候。也。足。下。以。爲。然。否。去。歲。所。作。已。登。太。平。洋。者。弟。可。任。搜。輯。惟。民。主。報。所。載。殊。難。設。法。弟。處。雖。有。此。報。然。郵。寄。開。始。已。在。蛻。老。南。歸。之。候。從。前。諸。作。竟。不。可。得。現。在。又。無。相。知。者。在。報。社。中。頗。爲。躊。躇。未。知。足。下。別。有。妙。法。否。殊。念。也。蛻。老。倚。聲。弟。所。厲。目。不。滿。廿。閱。未。知。篋。中。別。有。存。稿。否。文。稿。登。太。平。洋。者。可。搜。求。得。之。蘇。報。及。民。主。報。恐。難。爲。力。矣。小。說。則。南。歸。以。後。寄。稿。民。主。者。尙。可。覆。按。而。在。北。所。著。不。易。搜。求。奈。何。奈。何。鈍。根。欲。以。編。纂。事。屬。弟。此。未。審。情。勢。者。弟。再。四。思。維。決。以。足。下。爲。宜。蛻。老。行。藏。惟。足。下。素。稔。編。年。定。稿。可。無。先。後。倒。置。之。虞。其。利。一。擷。芬。女。士。及。施。史。諸。君。於。足。下。爲。故。知。於。弟。爲。不。相。識。之。人。徵。求。搜。集。難。易。迥。然。其。利。二。弟。僻。處。鄉。隅。不。能。直。接。印。刷。事。而。足。下。居。海。上。最。便。其。利。三。由。此。觀。之。斯。事。信。非。足。下。莫。屬。然。足。下。已。慨。諾。於。前。必。不。撓。謙。於。後。特。弟。恐。鈍。根。之。書。一。出。或。有。紛。紜。之。論。故。敢。重。復。陳。之。足。下。偷。笑。我。以。小。人。之。腹。相。度。耶。一。噓。勿。覆。卽。叩。道。安。弟。柳。棄。疾。稽。首。

致蘭皋書

金山高旭天梅

蘭皋先生台鑒頃聞蛻老遺集由公主持刊行編輯之役度亦公一力任之甚足爲蛻老身後賀也人誰不死而有楊子雲者定其文其亦可以无憾矣乎弟往北時蛻公會有二七絕行篋中覓之不得其集中倘有希代錄寄下又六言一首附上弔詞數章乞教正并可爲集中附錄之資刊資弟願任二十金已交姚石子轉呈矣即問大安弟高旭上



詩

哭蛻庵

柳棄疾

少年攬轡志澄清。垂老中原未厭兵。伐鼓撞鐘天下計。破家亡命劫餘生。元龍豪氣銷難盡。杜老文章晚更成。歎息萬方多難日。放翁家祭若爲情。

十載聲華魯殿光。黨碑姓氏自堂堂。如何北海孫賓石。老作南州盛孝章。張祿入秦名屢變。包胥復楚願終償。紛紛舉世貪天力。一笑封侯盡爛羊。

識公名未讀公詩。傾倒瑤華又一時。並世竟逢陳仲舉。憐才難得傅修期。余與先生訂交傅子鍾。根實作之合。秋風江上同羈旅。春雨簷前慣別離。當日早知成永訣。也應慟哭惜臨歧。

吾輩情懷狂似虎。先生道德殆猶龍。竭來勝地貪行樂。悔未傾譚總負公。先生每招余至寓廬作竟日譚。余耽徵逐未之應也。流涕不堪知己感。遺書倘賴故人功。傳經伏女能無恙。辛苦西飛蜀道鴻。謂擷芬女士。

重過杏花樓感悼亞雲蛻盒兩亡友

前人

梁園才調咽悲筵。湖海人亡淚似麻。春雨杏花零落盡。黃公墟畔忍迴車。

哀蛻庵

華亭姚錫鈞 鶴雛

江左才人盛如君。晚可嗟猶能依內乘。不敢憶年華毀譽。一棺戢交親。百故差虞詡。休論怨猶有素帷車。略減元龍氣。猶存北海狂。如何晚騰蹕。至竟付銷亡。才老邱靈鞠。憂傷盛孝章。遺書紛在篋。可忍問行藏。

哭夢逋老友

吳江陳去病 翼南

同甫當年負盛名。揮毫驚起攘夷聲。破家不已重亡命。萬死何曾贖一生。惟有威丹知已感。空餘枚叔故人情。介推無祿真堪憤。欲接心頭總未平。

十年一別老陳琳。未信歸來雪鬢侵。詩酒誰令逐年少。文章依舊斷知音。西湖有約偏難主。南社無君忍重尋。最是楚魂招未得。鵲啼猿嘯激哀吟。君長女攝芬嫁四川某君在巴蜀未返

哭陳蛻庵先生

丹陽姜可生 杏癡

客秋友人漢俠介紹識先生。痛飲更番甚相得也。今春三月匆匆一面。先生容色憔悴。

悼大異平日曾幾何時噩耗傳來故人長逝荒荒斜日傷矣余懷賦詩二絕哀之
天涯旅邸病魔催風雨關山夢未回追憶秋高人影瘦酒闌悄坐興全灰
老來一掬相思淚飄泊無家作客遲把酒相看驚喜半春申江上落花時

弔陳蛻庵

金山高 雙吹萬

如此天涯酒共斟鬢絲憔悴費沈吟江湖拓筆餘高節風雨論交見素心詩思苦隨羈
病進愁懷沁入落花深元龍豪氣銷磨盡謝風塵淚不禁君以去年來海上遂以客死

當年久振春秋筆君曾主持蘇報首倡民族主義文字收功著定評張儉破家猶有止介推死隱竟無名

策勳昔等羊頭爛謀利今同狗骨爭誰似先生無我相蕭然窮老若忘情

布笠青鞋何所投淒涼身世夢悠悠高文宛在名終顯奇痛偏嘗報未酬君曾以革命事父子同繫獄者

一。年經有女才華能詠絮君令愛攝芬女史早以文學垂聲無家飄泊類浮漚滬雲望斷靈光圯空奠蒼茫酒

一。甌

哭陳蛻庵先生

金山高 旭天梅

蛻翁文字世稀有亡命江湖廿載忙直筆久傾齊太史高風難遇魯靈光新邦創造誰

能憶舊學商量未可忘飽死侏儒臣朔餓無情萬古此蒼蒼

再哭陳蛻庵

賦詩遙別意。縣縣月照天涯。兩度圓誰料。生離成死別。不堪清淚灑。灑燕天。子將來京遇公于滬江蒙作詩

行寵

回首十年前。前已事幾枝。健筆造風雲。功成不屑黃金印。老死滬濱尚賣文。公病歿于海上寓廬

昭蘇萬物度慈航。一紙風行遍八荒。身繫安危陳仲舉。黨人碑上姓名香。中國報紙主持革命排滿以公

手創之蘇報為最先

龍顛虎倒泣塵埃。身世蕭條絕可哀。一事九原差瞑目。傳經伏女是奇才。謂令愛攝芬女士

南社哀吟十二章章六句錄一

蛻老其猶龍。浮名何足校。不為雞鶩爭。宵顧鸞鳩笑。玄亭甘寂寞。古道長相照。

弔蛻庵

玉峯余壽頤疾儂

頽然一遺老。獨死在天涯。似我正飄泊。幾人拋室家。著根同小草。結果待飛花。生境只如此。何堪弔落霞。

社友鄒君亞雲陳君蛻庵相繼溘逝臨風憑弔愴然久之 金山高 增佛子
梁園文采元龍氣磊落襟懷各不羣造物忌才奈何許鄒君而後又陳君
卮言晚近更鷗張手障狂瀾費忖量吾道艱難君竟死蒿歌唱徹動悲涼

聞同社蛻庵先生棄世口號二絕遙奠

揭陽吳沛霖澤庵

殘春乍痛鄒耶萎首夏又驚蛻老捐絕怨彼蒼真好弄一年磨折兩高賢
莫易生才偏易死不如意事古今多料應厭入人間世自證生天到大羅

檢陳蛻庵舊作賦此述哀因寄亞子時亞子將爲刊其遺稿 傳 專

蛻庵乃以窮愁死天道茫茫詎可論革命首膺文字獄毀家晚哭弱齡孫蛻庵二子先卒一孫亦廢
名百輩誰知愧詞賦千秋此僅存至竟吾言出悲憤似君原不羨侯門

鄉關久住轉羈棲蛻庵本衡山人自言於湘中作客紅袖殷勤記舊題老去行歌滄海上死應埋塚淞江

西蛻庵客體陵謂死當葬紅拂墓謝安絲竹哀踰樂庾信文章怨以悽難得名山屬梨里重將梵唄與鈞
稽癡癡嘗以蛻庵詩號殘宵梵唄者介寄亞子

讀蛻庵遺集題八絕句卽柬蘭皋並示亞子

附 錄

五 前 人

蛻翁事業空餘子老去文章未可忘七百首從灰燼得我來一讀一神傷

高名伐鼓撞鐘日垂死囚轡笈鳳時應有雄文託孤憤補亡終惜少人知余嘗欲蛻老寫自蘇報案及獄

中詩蛻曰容俟他年補亡耳蓋當時尙諱言之今集

一卷殘宵梵誦聲稍于著述紀平生遺書零落何堪問絕業還應悔早成蛻詩存其長女及施心泉處見

殘宵梵誦自序其中尙有東歸行卷一集今集併此目亦失之

西山舊是埋魂處尙許斯編呵護存愧負故人平昔意溜漚吾更與誰論殘宵梵誦卷舊藏史采崖處辛

亥余借寄亞子跋之並選入南社明年復借付未癡萍選入長沙日報仍以還史卷成于病榻隨作隨錄較

看花屢憶麓山秋病蝶疎花別有愁他日湖湘傳文獻可能甄綜到斯游己酉九月之游蛻詩屢及之

廿年長我肯忘年說夢論詩更傷禪爲檢吟箋一回首酒狂詞豔負當筵

收拾叢殘計未疏九京起視意奚如偷逢甯戚謂太憑相訊何處搜求身後書

毘陵一老使君存寄我遺編累涕痕勉副斯言定何日秋山秋雨一燈昏蘭皋屬重定蛻集

蛻詩展誦一過悲從中來幾不自勝口占二絕歌以當哭 常州吳有章漫盒

蛻翁垂老眞成蛻形貌已離結習存慧業未消文字障千秋不斷是詩魂

尋君不遇聞君死。惆悵心情已積年。今夜客中展遺稿。潛潛清淚濕詩篇。



附

錄

七



附

錄



八


梅陸集

此集爲蘭皋君所編。於梅蘭芳著錄較詳。文詩詞三種。均各典雅無匹。加以精印圖畫數十幅。兼有王鳳卿影片。現值梅王重來海上。各界速購此編。可爲顧曲之助。分售處。上海棋盤街商務印書館。廣益書局。中華書局。文明書局。及丹桂第一台總發行所。上海二白大橋信成銀行樓上。中華實業叢報社。此布。

民國三年十二月出版



非賣品



柳亞子君三十元
王大覺君三元
姚石子君二十元
汪蘭皋君四十七元